

den Herrn desselben Knechts / vnd lies in los /
vnd die Schuld erlies er ihm auch.

Da ging derselbige Knecht hinaus / vnd
fand einen seiner Mitknechte / der war ihm
hundert groschen schuldig. Vnd er greiff ihn
an / vnd würget ihn / vnd sprach / Bezale mir
was du mir schuldig bist. Da fiel sein Mit-
knecht nieder / vnd bat in / vnd sprach / Hab ge-
dult mit mir / ich wil dir alles bezalen. Er
wolt aber nicht / sondern gieng hin / vñ warff
ihn ins Gefengnis / bis das er bezalet / was er
schuldig war.

Da aber seine Mitknechte solches sahen /
wurden sie sehr betrübt / vnd kamen vnd
brachten für iren Herrn alles / das sich be-
geben hatte. Da fodert in sein Herr für sich /
vnd sprach zu ihm / Du Schalcksknecht / alle
diese Schuld habe ich dir erlassen / dieweil
du mich batest. Soltestu denn dich nicht auch
erbarmen vber deinen Mitknecht / wie ich
mich vber dich erbarmet habe? Vnd sein
Herr ward zornig / vnd vberantwortet ihn
den Peinigern / bis das er bezalet alles was

B ij

er